



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN CO INSTITUTO DE ESTUDOS ULLOÁNS

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeas, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeas e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Instituto de Estudos Ulloáns, pretende levar a cabo a exposición de arte románica no Camiño de Santiago "As nosas señoras do Camiño. Virxes románicas do entorno do Camiño de Santiago" preferentemente na sala de exposicións do Castelo de Pambre, ou, en caso de non dispoñibilidade, a sala de exposicións do concello de Palas de Rei. Esta exposición comprende a exhibición de nove reproducións de outras tantas imaxes románicas de Nosa Señora a cargo da escultora Ana Sastre.

Corresponden estas reproducións en madeira policromada a tamaño real das imaxes románicas situadas no Camiño Francés: Celigüeta (Navarra), Valvanera (La Rioja), La Antigua, Carbajora, Siero de la Reina, Vilasinta y Barrillos de Curueño (León), Todaos e O Cebreiro (Lugo).

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago e outras entidades relacionadas coa cultura xacobeas, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais



realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas entidades e Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratéxico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago
- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- O apoio á investigación e estudo sobre o Camiño de Santiago é un dos obxectivos permanentes da nosa actividades pois consolida á ruta xacobeas como elemento referencial da cultura europea.

b/ criterios específicos:

- Este Instituto de Estudos Ulloáns realiza un importante papel no estudo e divulgación do Camiño Francés.
- Esta exposición contribúe a poñer en valor o patrimonio, neste caso moble, do Camiño de Santiago.
- Amais esta exposición realiza unha proposta de arte contemporánea que enriquece o dinamismo da cultura xacobeas

O orzamento estimado para a execución das accións ascende na súa totalidade a 6.000,00 euros coa seguinte distribución:

- Páxina web, publicidade.....800 €
- Deseño e edición de folletos e catálogos (galego/español, inglés/francés).....2.000 €
- Paneis exposición (12 paneis 110x110).....1.000 €
- Columnas expositoras con urna (9 de 30x30x50).....2.200 €

TOTAL**6.000 €**

A S.A. de Xestión do Plan Xacobeo aboará a cantidade de 4.000 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscrición deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente